




國

語



11.342
06

國

269

1225.4

語

上海古籍出版社

下
卷十至卷廿一、索引
冊

國語卷第十

晉語四

文公在狄十二年〔一〕，狐偃曰：「日，吾來此也〔二〕，非以狄爲榮，可以成事也〔三〕。吾曰：『奔而易達〔四〕，困而有資〔五〕，休以擇利，可以戾也〔六〕。』今戾久矣，戾久將底〔七〕。底著滯淫〔八〕，誰能興之〔九〕？盍速行乎！吾不適齊、楚，避其遠也。蓄力一紀，可以遠矣〔一〇〕。齊侯長矣，而欲親晉〔一一〕。管仲歿矣，多讒在側〔一二〕。謀而無正，衷而思始〔一三〕。夫必追擇前言，求善以終〔一四〕，屢邇逐遠，遠人入服，不爲郵矣〔一五〕。會其季年可也〔一六〕，茲可以親〔一七〕。」皆以爲然。

〔一〕文公，晉獻公庶子重耳，避驪姬之難，魯僖五年，歲在大火，自蒲奔狄，至十六年，歲在壽星，故在狄十二年。

〔二〕狐偃，文公舅子犯也。日，往日。

〔三〕榮，樂也。成事，成反國之事。

〔四〕達，至也。

〔五〕資，財也。

〔六〕休，息也。戾，定也。

〔七〕底，止也。

〔八〕著，附也。滯，廢也。淫，久也。

〔九〕興，起也。

〔十〕蕃，養也。十二年歲星一周，爲一紀。

〔十一〕齊侯，桓公。長，老也。是歲，桓公爲離之會，明年而卒。

〔十二〕歿，終也。讒謂易牙、豎貂之屬。

〔十三〕無正，無正從也。衷，中也。中道思其初時。

〔十四〕前言，管仲忠善之言。

〔十五〕邇，近也。逐，求也。郵，過也。

〔十六〕季，末也。

〔十七〕茲，此也。

乃行，過五鹿，乞食於野人〔十八〕。野人舉塊以與之〔十九〕，公子怒，將鞭之。子犯曰：「天賜

也。民以土服，又何求焉〔三〕！天事必象〔四〕，十有二年，必獲此土〔五〕。二三子志之〔六〕。歲在壽星及鶉尾，其有此土乎〔七〕！天以命矣〔八〕，復於壽星，必獲諸侯〔九〕。天之道也〔一〇〕，由是始之〔一一〕。有此，其以戊申乎〔一二〕！所以申土也〔一三〕。再拜稽首，受而載之〔一四〕。遂適齊。

〔一〕五鹿，衛邑。不見禮，故乞食。

〔二〕塊，塊也。

〔三〕言民奉土以服公子。

〔四〕必先有象。

〔五〕後十二年，必得五鹿。

〔六〕志，識也。

〔七〕歲，歲星。自軫十二度至氐四度爲壽星之次，自張十七度至軫十一度爲鶉尾之次。歲在壽

星，謂得塊之歲。魯僖十六年後十二年，歲在鶉尾，必有此五鹿地。魯僖二十七年，歲在鶉

尾。二十八年，歲復在壽星，晉文公伐衛，正月六日戊申取五鹿。周正月，夏十一月也，正天

時以夏數，故歲在鶉尾也。

〔八〕命，告也。謂野人奉塊。

〔九〕歲星復在壽星，謂魯僖二十八年。是歲四月，文公敗楚師於城濮，合諸侯於踐土。五月，獻俘於王，王冊命之以爲侯伯，故得諸侯。

〔一〇〕天之數，不過十二。

〔一一〕由，從也。從得塊始。

〔一二〕有此五鹿，當以戊申日也。

〔一三〕日以戊申。戊，土也。申，申廣土地也。

〔一四〕拜天賜，受塊而載之。

齊侯妻之，甚善焉〔一〕。有馬二十乘〔二〕，將死於齊而已矣。曰：「民生安樂，誰知其他？」

〔二〕桓公以女妻之，遇之甚善。

〔三〕四匹爲乘，八十四也。

桓公卒〔一〕，孝公卽位〔二〕。諸侯叛齊。子犯知齊之不可以動〔三〕，而知文公之安齊而有終焉之志也，欲行，而患之〔四〕，與從者謀於桑下〔五〕。蠶妾在焉〔六〕，莫知其在此也。妾告姜氏，姜氏殺之〔七〕，而言於公子曰：「從者將以子行，其聞之者吾以除之矣。子必從之，

不可以貳〔二〕，貳無成命〔九〕。詩云：『上帝臨女，無貳爾心〔三〕。』先王其知之矣，貳將可乎〔二〕？子去晉難而極於此〔三〕。自子之行，晉無寧歲，民無成君〔三〕。天未喪晉，無異公子〔四〕，有晉國者，非子而誰？子其勉之！上帝臨子，貳必有咎〔五〕。』

〔二〕在齊一年而桓公卒。

〔三〕孝公，桓公子昭，卽位在魯僖十八年。

〔四〕動，謂求反國。

〔五〕惠文公不肯去。

〔六〕從者，趙衰之屬。

〔七〕在桑上也。

〔八〕殺之以滅口。時諸侯叛齊，增又欲去，恐孝公怒。

〔九〕貳，疑也。

〔十〕疑則不成天命。

〔十一〕詩大雅大明之七章。上帝，天也。女，武王也。言天臨護女，伐紂必克，無有疑心。

〔十二〕言武王知天命，不可以疑，故卒有天下。

〔十三〕極，至也。

〔三〕成，定也。謂奚齊、卓子殺死，惠公無親，外內惡之。

〔四〕同生九人，唯重耳在。

〔五〕天子不取，故必有咎。

公子曰：「吾不動矣，必死於此。」姜曰：「不然。」周詩曰：『莘莘征夫，每懷靡及。』夙夜征行，不遑啓處，猶懼無及。況其順身縱欲懷安，將何及矣！人不求及，其能及乎？日月不處，人誰獲安？西方之書有之曰：『懷與安，實疚大事。』鄭詩云：『仲可懷也，人之多言，亦可畏也。』昔管敬仲有言，小妾聞之，曰：『畏威如疾，民之上也。』從懷如流，民之下也。見懷思威，民之中也。畏威如疾，乃能威民。威在民上，弗畏有刑。從懷如流，去威遠矣，故謂之下。其在辟也，吾從中也。鄭詩之言，吾其從之。此大夫管仲之所以紀綱齊國，裨輔先君而成霸者也。子而棄之，不亦難乎？齊國之政敗矣，晉之無道久矣，從者之謀忠矣，時日及矣，公子幾矣。君國可以濟百姓，而釋之者，非人也。敗不可處，時不可失，忠不可棄，懷不可從，子必速行。吾聞晉之始封也，歲在大火，閼伯之星也，實紀商人。商之饗國三十一王。晉史之紀曰：『唐叔之世，將如商數。』今未半也。亂不長世，公子唯子，子必有晉。若何懷安？公子弗聽。

〔一〕詩小雅皇皇者華之首章。莘莘，衆多。征，行也。懷私爲每懷。言臣奉命當念在公，每輒懷私，將無所及。

〔二〕夙，早也。行，道也。遑，暇也。啓，跪也。處，居也。

〔三〕求及，求及時。

〔四〕西方謂周。詩云「誰將西歸」，又曰「西方之人」，皆謂周也。安，自安。疚，病也。

〔五〕詩鄭風將仲子之卒章。仲，祭仲也。懷，思也。言雖欲從心思仲，猶能畏人自止，見可懷，思可畏也。

〔六〕敬仲，夷吾字。

案攷異卷三引校譌：「『字』當爲『諡』。」

〔七〕畏威如畏疾病，此民之上行。

〔八〕從心所思，如水流行，此民之下行。

〔九〕威，畏也。見可懷則思可畏，此民之中行。

〔一〇〕言能畏上，乃能威下。

〔一一〕能威民，故在人上。不畏威，則有刑罪。

〔一二〕去威遠，言不能威民。

〔一三〕辟，罪也。弗畏有刑，故云罪。高不在上，下欲避罪，故從中也。

(四) 從其畏人之多言。

(五) 裨，補也。

(六) 幾，近也。言重耳得國時日近。

(七) 濟，成也。釋，置也。

(八) 敗，濟也。

(九) 始封，謂唐叔虞。

(一〇) 商，殷也。自氏五度至尾九度爲大火之次。閼伯，陶唐氏之火正，居於商丘，祀大火，死以配食，相土因之，故商主大火，實紀商之凶吉。

(一一) 自陽至紂。

(一二) 瞽史，知天道者。

(一三) 自唐叔至惠公十四世，故曰未半。

(一四) 不長世，亂當有平時。

乎！³姜與子犯謀，醉而載之以行。醒，以戈逐子犯，曰：「若無所濟，吾食舅氏之肉，其知鑒乎！」舅犯走，且對曰：「若無所濟，余未知死所，誰能與豺狼爭食？」若克有成，公子無亦

晉之柔嘉，是以甘食^(三)。偃之肉腥臊，將焉用之？遂行。

(一) 戰死原野，公子將走不暇，豈能復與豺狼爭食我乎？

(二) 無亦，不亦也。柔，脆也。嘉，美也。

4 過衛，衛文公有邢、狄之虞，不能禮焉^(一)。甯莊子言於公曰^(二)：「夫禮，國之紀也；親，民之結也^(三)；善，德之建也^(四)。國無紀不可以終，民無結不可以固，德無建不可以立。此三者，君之所慎也。今君棄之，無乃不可乎！晉公子善人也，而衛親也，君不禮焉，棄三德矣^(五)。」臣故云君其圖之。康叔，文之昭也。唐叔，武之穆也^(六)。周之大功在武^(七)，天祚將在武族^(八)。苟姬未絕周室，而俾守天聚者，必武族也^(九)。武族唯晉實昌，晉胤公子實德。晉仍無道^(一〇)，天祚有德，晉之守祀，必公子也。若復而修其德，鎮撫其民，必獲諸侯，以討無禮。君弗蚤圖，衛而在討。小人是懼，敢不盡心。」公弗聽。

(一) 衛文公，宣公之孫，昭伯頤之子燬也。虞，備也。是歲，魯僖十八年，冬，邢人、狄人伐衛，圍衛。圖，文公師於警裏以退之，故不能禮焉。

(二) 莊子，衛正卿，穆仲靜之子甯速。

(三) 君親其親，所以結人心，使相親。

〔四〕建，立也。言能善善，所以立德。

〔五〕晉祖唐叔，武王之子。衛祖康叔，文王之子。故曰親。三德，謂禮賓、親親、善善。

〔六〕自祖以下，一昭一穆。故康叔爲文昭，唐叔爲武穆。

〔七〕謂始伐紂定天下。

〔八〕族，嗣也。

〔九〕聚，財衆也。

〔一〇〕仍，重也。

自衛過曹，曹共公亦不禮焉〔一〕，聞其餽脅，欲觀其狀〔二〕，止其舍，謀其將浴，設微薄而觀之〔三〕。僖負羈之妻言於負羈〔四〕曰：「吾觀晉公子賢人也，其從者皆國相也，以相一人，必得晉國。得晉國而討無禮，曹其首誅也。子盍蚤自貳焉〔五〕？」僖負羈饋飧，實璧焉〔六〕。公子受飧反璧。

〔一〕共公，曹昭公之子曹伯襄。

〔二〕餽，并幹。

〔三〕謀，候也。微，蔽也。薄，迫也。

〔四〕負羈，曹大夫。

〔五〕貳，猶別也。

〔六〕熟食曰飧。寘，置也，置璧於飧下。

負羈言於曹伯曰：「夫晉公子在此，君之匹也，不亦禮焉？」曹伯曰：「諸侯之亡公子其多矣，誰不過此！亡者皆無禮者也，余焉能盡禮焉！」對曰：「臣聞之：愛親明賢，政之幹也〔一〕。禮賓矜窮，禮之宗也〔二〕。禮以紀政，國之常也〔三〕。失常不立，君所知也〔四〕。國君無親，以國爲親〔五〕。先君叔振，出自文王〔六〕，晉祖唐叔，出自武王〔七〕，文、武之功，實建諸姬。故二王之嗣，世不廢親。今君棄之，是不愛親也。晉公子生十七年而亡〔八〕，卿材三人從之，可謂賢矣〔九〕，而君蔑之，是不明賢也。謂晉公子之亡，不可不憐也。比之賓客，不可不禮也。失此二者，是不禮賓、不憐窮也。守天之聚，將施於宜。宜而不施，聚必有闕〔一〇〕。玉帛酒食，猶糞土也，愛糞土以毀三常〔一一〕，失位而闕聚，是之不難，無乃不可乎？君其圖之。」公弗聽。

〔一〕幹，楨幹也。

〔二〕宗，本也。

〔三〕紀，理也。

〔四〕失常，則政不立。

〔五〕僚以官相親，君以國相親。

〔六〕文王子。

〔七〕武王子。

〔八〕亡，奔也。

〔九〕三人，狐偃、趙衰、賈佗。

〔十〕宜，義也。闕，缺也。

〔十一〕三常，政之幹，禮之宗，國之常。

公子過宋〔一〕，與司馬公孫固相善〔二〕，公孫固言於襄公曰：「晉公子亡，長幼矣〔三〕，而好善不厭，父事狐偃，師事趙衰，而長事賈佗〔四〕。狐偃其舅也，而惠以有謀。趙衰其先君之戎御，趙夙之弟也，而文以忠貞〔五〕。賈佗公族也，而多識以恭敬〔六〕。此三人者，實左右之。公子居則下之，動則諮焉，成幼而不倦〔七〕，殆有禮矣。樹於有禮，必有艾〔八〕。商頌曰：『湯降不遲，聖敬日躋〔九〕。』降，有禮之謂也〔一〇〕。君其圖之。」襄公從之，贈以馬二十乘。

〔一〕自曹適宋。

〔二〕固，宋莊公之孫、大司馬固也。相善，相悅好。

〔三〕襄公，宋桓公子茲父也。長幼，從長至幼也。

〔四〕長，兄事之。

〔五〕趙衰，晉卿公明之少子成子衰也。先君，獻公。戎御，御戎車也。傳曰：「趙夙御戎。」

〔六〕賈佗，狐偃之子射姑、太師賈季也。公族，姬姓也。食邑於賈，字季佗。案發正卷一〇：

「襄公之世，趙盾將中軍，賈季佐之，而陽處父爲太傅，賈佗爲太師，二賈同列。計其時，佗爲老臣，而季爲新出，安得合而爲一也？」

〔七〕成幼，自幼至成人。

〔八〕樹，種也。艾，報也。

〔九〕長發之三章。降，下也。躋，升也。言陽之尊賢下士甚疾，故聖敬之道日升聞於天也。

〔一〇〕降已於有禮也。

公子過鄭，鄭文公亦不禮焉〔二〕。叔詹諫曰：「臣聞之〔三〕：親有天〔四〕，用前訓〔五〕，禮兄弟，資窮困〔六〕，天所福也。今晉公子有三祚焉，天將啓之〔七〕。同姓不婚，惡不殖也〔八〕。」

狐氏出自唐叔〔九〕。狐姬，伯行之子也，實生重耳〔九〕。成而雋才，離違而得所〔二〕，久約而無釁，一也〔二〕。同出九人，唯重耳在〔三〕，離外之患，而晉國不靖，二也〔三〕。晉侯日載其怨，外內棄之〔四〕；重耳日載其德，狐、趙謀之，三也。在周頌曰：『天作高山，大王荒之〔五〕。』荒，大之也。大天所作，可謂親有天矣。晉、鄭兄弟也，吾先君武公與晉文侯戮力一心，股肱周室，夾輔平王〔六〕，平王勞而德之，而賜之盟質，曰：『世相起也〔七〕。』若親有天，獲三祚者，可謂大天〔二〕。若用前訓，文侯之功，武公之業，可謂前訓〔四〕。若禮兄弟，晉、鄭之親，王之遺命，可謂兄弟〔三〕。若資窮困，亡在長幼，還軫諸侯，可謂窮困〔三〕。棄此四者，以徼天禍，無乃不可乎〔三〕？君其圖之。『弗聽。』

〔一〕文公，鄭厲公之子驪。

〔二〕叔詹，鄭大夫。

〔三〕有天所啓。

〔四〕前訓，先君之教。

〔五〕資，稟也。

〔六〕啓，開也。

〔七〕殖，蕃。

〔八〕狐氏，重耳外家，與晉俱唐叔之後，別在犬戎者。

〔九〕伯行，狐氏字。

〔一〇〕言成人而有雋才。違，去也。離禍去國，舉動得所。

〔一一〕覺，暇也。

〔一二〕同出，同生。

〔一三〕靖，治也。

〔一四〕載，成也。

〔一五〕天作之首章。作，生也。高山，岐山。荒，大也。言天生此高山，使興雲雨，大王則秩祀而尊大之。

〔一六〕武公，鄭桓公子滑突。文侯，晉穆侯之子仇。戮，并也。一，同也。

〔一七〕質，信也。起，扶持也。

〔一八〕三祚，謂成而雋才，晉國不靖，狐、趙謀之。

〔一九〕業，事也。前訓，二國同心之訓。

〔二〇〕晉、鄭同姓，王之遺命使相起，故曰可謂兄弟。

〔二一〕軫，車後橫木。還軾，猶迴車周歷諸國，遭離阨困。